

**Soraarnerussutisiaqarluni ukiut angunerini annertuumik innarluutillit ikiorserneqarnissaat pillugu maleruagassat tunngavigalugit pisinnaatitaaffiisa annaaneqannginnissaanut isumannaarinninnissamut, Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq Agathe Fontain, Inuit Ataqatigiit)

**Akissuteqaat**

(Ilaqutariinnermut Inatsisinillu Atuutsitsinnermut Naalakkersuisoq)

**Siullermeerneqarnera**

Siunnersuummut annertuumik innarluutilinnut ikiorsiisarneq pillugu maleruagassani qanoq ukioqarnissamik qitiutitsisumut qujanaq.

Naalakkersuisut isumaqarput, innuttaasut tamarmik periarfissinneqassasut pitsaanerpaamik inuuneqarnissamut, taakkununga ilanngullugit innuttaasut timimikkut, tarnimikkut imaluunniit inuttut piginnaasatigut killeqartut.

Naalakkersuisut naalakkersuisooqatigiinnissamik isumaqatigiissummi ilaatippaat, utoqqaat inuuniarnermikkut atugaasa pitsanngorsaaffigineqarnissaat siunertaralugu misissueqqissaarneq ingerlanneqassasoq. Naalakkersuisut innarluutillit pillugit inatsit nutarterlugu aallartippaat. Tassani meeqqat, inuusuttut utoqqaallu innarluutillit atugarisaasa qulaajarneqarnerannut pissusissamisoortumik ilaatinneqarput. Naalakkersuisooqatigiinnissamik isumaqatigiissummi aamma immikkut oqaatigineqarpoq, nunami maani innarluutillit innuttaasut allat assigalugit pisinnaatitaaffeqartut. Naalakkersuisuttaaq qulakkeerniarpaat innarluutillit pisinnaatitaaffiisa FN´ip innarluutillit pillugit isumaqatigiissutaannik naammassinninnissaat.

Pingaaruteqarpoq eqqumaffigissallugu qaqugukkut annertuumik innarluuteqarnerup immikkoortissinnaanera, qaqugukkut utoqqalinerмик pissuteqartumik pisinnaasat nalinginnaasumik annikillismanerini. Innarluutillit pillugit malittarisassat tunngavigalugit ikiorsiisoqassappat, pineqartup annertuumik innarluuteqartuunissaa tunngaviusaaq. Pineqartoq annikitsuinnarmik innarluuteqaruni, taava nammineq aningaasartuutini akilersuisussaavoq, imaluunniit inatsisitigut maleruagassat allat naapertorlugit ikiorserneqarnissamik qinnuteqarsinnaavoq.

Siunnersuuteqartup tikkuagaa eqqortoq tassaavoq, innarluutillit pillugit maleruagassat naapertorlugit taamaallaat ikiorsiisoqartartoq inunnut sulii 65-inik ukioqalersimanngitsunut. Pineqartoq 65-inik ukioqaleruni utoqqalineq pissutigalugu pensionisiaqarsinnaatitaallissaaq, ikiorsiissutillu pisariaqartinneqartut pensionisianut inummut tapit aqutigalugit qinnuteqaatigineqassallutik.

Maleruagassat taakku marluk naapertorlugit missingersuinikkut ikiorsiisoqartarmat inummiit inummut ikiorsiissutit assigiinngittarsinnaapput aamma ikiorsiisarneq kommunimit kommunimut assigiinngissuteqarsinnaavoq. Iluarsartuusseqinnissami tamanna ilanngullugu suliarineqassaaq.

Naalakkersuisuttaaq pensionisarneq pillugu iluarsartuusseqillutik aallartippat, tassani ilaatigut utoqqaat ikiorsiissutinik pisinnaatitaaffii misissorneqassapput. Utoqqalineriuteqartarnermi aqqissuussineq inerisarneqaaqqissaaq kommunit peqatigalugit, aappariinneq apeqqutaatinnaq,

kisiannili inuttut naleqassuseq aallaavigalugu. Naalackersuisut aamma naalackersuisooqatigiinnerup matuma iluani utoqqalinermi pensionisiat saniatigut immikkut isertitaqarsinnaanermut killiliussaq nalilersoqqinniarpaat.

Naalackersuisooqatigiinnissamik isumaqatigiissummi toqqaannartumik allassimavoq utoqqaat inuuniarnermikkut atugaasa pitsanngorsaaffigineqarnissaat siunertaralugu misissueqqissaarneq ingerlanneqassasoq. Taamaammatt Naalackersuisut pilersaarutigaa 2013-imi ukiakkut utoqqaat pillugit isumasioqatigiissitsinissaq. Isumasioqatigiissitsinermittaaq siunertarineqarpoq utoqqaat inuuniarnermikkut atugarisaasa qulaajaaffigineqarnissaat.

Naalackersuisut oqallilluarnissaq qilanaaraat inassutigalugulu allannguutissatut siunnersuutiip itigartitsissutigineqarnissaa.